

稀見地方史料叢書

學苑出版社

中國稀見地方史料集成

董光和 齊希 編

中國稀見地方史料集成

第三四冊 紹興縣志採訪稿・二

學苑出版社

PDG

佚名纂修 民國間稿本

紹興縣志採訪稿・二

浙江圖書館
PDG

湖唐林館駢體文卷二

送高次封太守歸利津序

丁卯四月太守高君以瘖疾罷郡治任將歸予乘小舸送之咸歡
河側夫更代之際仕宦所難堪別離之頃朋友所慘戚况君以馮
唐之年裒焦先之疾賓客盡散吏役挪揄國無祖筵郊無飲帳行
李蕭特山川黯然而予與君有同官之雅託相知之深凡君之忤
上官治大姓絕宵人慙奸吏皆與予事相連謗亦隨及則君之去
也曷能無言今夫驚飈轉輸不能動地疾湍走舳無由撼山故貞
柯之姿因霜雪而彌厲香草之鬱炳脂膏而愈芳出處均涂榮辱
任遇君早淬正學峻風裁生齊魯之邦習伏鄭之教登鄉書者十
二年始成進士觀政戶曹都中百司閒冷為職獨地官之屬幹運

錢穀鎔鎔利權天下視為膏腴

朝廷倚其籌算望郎氣炎灼灼為甚侈濮陽之酒肉飾臨汝之車
牛外結吏胥內交宦寺道光以後四方用兵帑藏久虛餉犒尤亟
於是大鹽大冶爭以貨進郎選益衰利術亦殫人人自以為宏羊
不數劉晏復生持權輒傾輕俠並用斗筲姓名錄錄可算而君澹
若無與泊焉寡營官郎署者二十年始以上考出為吾郡越新復
於寇又遭大水巨浸稽天民棲山堞橋堰盡壞田不可耕而郡之
搢紳狙禍怙惡視為利藪浙之大吏出於兵子納貨方競州縣瘠
饒皆有則程上朦下欺諱言歉灾君始竦任蹙頞嗷野申請振瘡
謀所安集而兩邑之令方興催科林居虎冠計畝歛賄率倍常賦
名修海塘大肥其家君力相抗拒卒於不勝由是羣狙聚雷併力

撼君弟五之議發倉欲因委罪嚴誦之期閉閣將以見徵西隄甫
完東閘告塞三縣之水邕而不流萬頃之田潦以不治君大集繇
更廣設畚鍤督視疏鑿躬為拊勞露宿兼旬風雪不解遂中危疾
口不能言視事甫祺因之去位王尊之捍瓠子方欲填身劉馥之
治芍陂竟以成疾懿美所紀前修昌稱至于待予之誠尤見古人
之誼予初入戶部君為陝西司主稿於曹中資最深曹之故事掌
印與主稿者頗指令史鼻輒刺天察吏唯阿嚴事維謹鈐尾畫諾
不問所事尚書侍郎呵殿而至擅袖抱牘揚揚升堂察吏稱姪魚
貫側行屏息立後不出一語長貳相見莫知誰何前者咨事既完
復隨其後卻縮而退歸夸妻子以為今日對尚書爭某事談遷除
之消息數車藥之煇煌至度支何所籌平準何所恃孰為竭澤孰

為漏卮出入十年芴莫一致予哀冰子之癖乏山郎之錢往往箕踞以對要人白眼以目諂客腰扇所障莫名何官策蹇所經從不入署蓋與君同寮者二年惟一見相揖而已及君出守適予告歸虛已諮詢有逾疇昔屈年申敬致饋明虔舍輿以就筆圭懷金而資纒纒叢山之長講席久虛君奉幣造廬禮請再四時居鄉者珂散相望皆久齒科第敷麻省臺又多與君為同年或挾朝貴之牘要說百端排擯互起效婢鄰於暮夜張蠅矢以滿天而君守志益堅奮髯抵几以為名山之席豈校官資墨敗之夫何堪師長烏虜昔者陳留問士止有子尼皇甫迎賓惟知逢掖以予之植身類俗堙掌橫流許靖之忤鄉評待供馬磨吳質之抗郡品惟作溺攢指原次以跣徒目施媿為顛醜而君之匡持雅道鎮遏浮言較之翁

子下車禮故交之錢勃長孫馳記修灑掃於龍邱垂為佳談蓋又
遠過夫會稽名郡節義所區自官司失人禮教不立君之敝設翼
起貪頑月計有餘歲周竟去吳民抱鄧慨謝令之難推潁川送黃
恐屠伯之將至驪駒已奏鷁首遄征江上一帆送旌節以遠去署
中孤榻接筇屐以何期繞城荷葉田田去恩臨路榴花悠悠水驛
利津地接勃海郡系樂陵魚羸大饒杭稻已熟解章組就田園扶
子攜孫強飲飽食青山無恙傳衣冠洛社之圖惠風遠來發鼓角
雷門之響

100

1

10

五

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

10

2012

10

廖宗元傳

廖宗元字梓臣湖南甯鄉人道光丁未進士以知縣分發浙江咸豐十年署隸安知縣有政声其明年賊自廣德趨長興民心洶洶不知所為宗元曰賊易與耳湖城據形勝可戰可守甯坐而待斃乎會郡紳趙景賢自蘇州馳至遂定議固守宗元有機謀家居時練習兵事故布置井井賊至屢却城賴以全四月賊再至圍城再三面宗元夜率精卒百人亂流而渡直搗賊營賊自夢中驚起保休四竄生禽四十六斬級百是役也賊連營數十里衆號十萬以昏不辨官兵多少驚擾達旦自是不敢近城遂解圍去當是時巡撫王有齡多隸功於趙景賢而湖城百姓則惟宗元是頌於是有所謂上聞者宗元解任听勘學使張錫庚力白之巡撫巡撫亦微

察其枉會浙東事急以宗元能任勞怨檄署紹興府事宗元至一
欲以治湖州者治紹興而事已不可為紹興民不樂城守奸民又
造作謠言喜與宗元左宗元志不得展賊至城陷宗元死之時十
一年九月二十八日巡撫左宗棠請於 朝 賜卹如例

見浙江忠義錄卷二

繆梓傳

繆梓字南卿江蘇溧陽人道光戊子舉人以大挑知縣至浙初署仙居縣在萬山中民狡獪境多盜梓日坐堂皇召吏胥發奸狀禽首懸置諸法盜少息調石門奉化皆有聲充甲辰科同考官奉化民變戕知縣梓坐失察降調旋復原官捐升同知署杭州府總捕同知咸豐壬子辦科場事巡撫黃宗漢為監臨官是歲苦旱漕艘不行豐工又決部臣咨令南漕變價漕督主截浙漕江督主截湖廣漕議不下宗漢以為憂一夕呼梓議漕事梓曰浙固議海運矣憚創始與旂丁滋衅耳然江南有成案海運取道上海甚便在上事公任之在下事梓任之宗漢以為然飛章入

告得

旨允行剋期而舉六月歲事闌於 朝奉 旨以知府留浙是年

署紹興知府題補甯波知府三年八月上海劉麗川叛徒黨陷嘉定寶山南匯青浦逼松江梓赴東浚防堵先是賊有二謀往來接濟獲一人斬之其一遁賊氣沮上海久不復海運改道劉河梓回浙沿海運事調署杭州府四年五月海運再竣奉 旨開缺以道員用五年正月上海克復江蘇巡撫吉爾杭阿以梓首獲賊諜斷接濟功奏 賞花翎時何桂清撫浙調梓歷署益運司杭嘉湖道按察司六年春賊自江西撫建窺浙境梓赴衢州督防剿與貴州安義鎮總兵饒廷選分統其軍八月賊從貴溪弋陽攻廣信知府沈葆楨來乞師廷選軍赴援梓應之賊遁去是年冬巡撫晏端書奏補梓金衢嚴道廷選亦調衢州鎮七年十二月賊首石達開出撫州金溪東鄉貴溪大舉犯浙號八十萬人梓策賊來必經廣豐

下玉山請分二千人駐廣豐盡起常開之兵屯玉山留一軍守白沙關而率親軍五百人營常山為後勁八年正月朔前隊方入廣豐而賊已合圍後軍不能進廷選至大南橋為賊所敗退至常山賊遂越廣豐犯江山梓亟分兵救江山與廷選鏖保郡城南至聞江山陷賊已逼南山遂自將數百人與戰城下大破之乃下令守城越日江西援師至者七千人賊亦大至又三日援師繼至始合營逆擊盡焚賊營賊復隔河連營橫亘二百餘里西臨常山開化南臨遂昌松陽入處州過永康窺金華賊圍衢州凡九十一日大小數十戰掘地道者五卒不得逞而新授衢州鎮李定泰復自壽昌引兵來賊宵遁圍既解餘郡縣次第克復叙功加按察使銜調署按察司九年署鹽運司十年春南陵賊進圍杭州城中無守兵

召募檄調止七千餘人城廣三千七百餘堞梓在營務處值大雨
浹旬火器不得發又兵民相仇梓知不可為誓死守雲居山當賊
衝露宿城上數日夜督仁和知縣李福謙依山治內壕兩甚工不
得就城陷之日雨忽止地道火猝發守兵皆潰梓被賊斫十餘處
猶屹立斷其右足始仆福謙同死別有傳梓死後為巡撫王有齡
所劾追奪卹典門人會稽趙之謙伏闕訟寃乃復還之

見浙江忠義錄卷一

徐榮傳

徐榮字鐵孫廣東駐防漢軍正黃旗人由嘉慶丙子舉人任直隸藁城縣訓導道光丙申成進士以知縣分發浙江會英吉利擾海上巡撫劉韻珂檄榮綜軍需局務有廉能聲補臨安縣知縣旋擢玉環廳同知道光二十八年授紹興知府值水災飢民聚食富家粟勢洶洶榮撫輯有方民以不擾咸豐二年調知杭州府尋署杭嘉湖道六年部選福建汀漳龍道未聞 命率師援徽州軍次漁亭賊大集餉不繼軍潰或勸榮走榮笑曰此正吾報 國之日若畏死可速去親軍數人皆泣曰願從死遂騎而待於隘賊以長矛進榮奪矛刺之斃數賊傷腰墜澗中賊攢刃之卒長子慮善時隨營督後隊赴救不及奪尸斂之喪歸妾伍氏撫棺一慟縊以殉榮

性剛介博學能詩嗜金石工書畫為諸生時受知故總督阮元為
學海堂長服官日所至皆有惠政及其死也大吏為請於朝入
祀昭忠名宦兩祠任紹興時曾倡修西小塘士民感其惠於漢劉
太守祠旁建專祠焉著有懷古田舍詩集梅統行世儀禮補注未
成稿佚

見浙江忠義錄卷一